



## Ad Wënd ka wëgd muunim baa yel-sõmd a yembr ye, A kõt-a-la dũni wã neemã sën tũ ne yel-sõmdã la A leb n rol-a rol sõngo laahr raare

Yii a Anas nengë, -Wënd yard be a yĩnga-, a yeelame: Wënd Tën-tuum, -Wënd puusg la A tulgr be a yĩnga- yeelame: «Ad Wënd ka wëgd muunim baa yel-sõmd a yembr ye, A kõt-a-la dũni wã neemã sën tũ ne yel-sõmdã la A leb n rol-a rol sõngo laahr raare, la sã n yaa kifre, b rĩlgd-a-la dũni wã yë sën maan tuum sõmsã Wënd yĩngã, la a sã n wa tug n ta laahr raare, a ka na n tall baa yel-sõmd tĩ b na n rol-a ye».

[Naşun Şahuhun (Gom-sikdem sën manege)] [A Muslim n togs-a]

Nabiyaamã vënegame, -Wënd puusg la A tulgr be a yĩnga-, Wënd kũunã sën yaa bedre sid-kõtã zugu la A sën leb n tëeg tĩrga ne kif-rãmbã. La sã n yaa muumini, A ka boogd a tuum sõng a sën tumã yel-sõmd baa fuł ye, A pus n kõt-a-la dũni wã kaanë, sën tũ ne tuum sõngã, a tũudmã yĩnga, la A leb n lagem ne-a fãa n bĩng a yĩnga laahr raarã tĩ yaa keoore, wala A sën tõe me n kell n bĩng rolbã fãa gill tĩ yĩ laahre. La sã n yaa kifre, Wënd kõt-a-la a sën tum tuum sõms nins dũni kaanë, la a sã n wa tug n ta yaoleem raarã, a ka tar baa yel-sõmd b sën na n rol ne-a ye, bala tuum sõng ninga b sën tõe n naf ne-a dũni la laahrã, a ka tõe n yĩ rëndame t'a soabã yĩ sid-kõta.

<https://sunnah.global/hadeeth/mos/show/65015>

